



PRESIDÊNCIA DO CONSELHO DE MINISTROS

VIII GOVERNO CONSTITUCIONAL



Gabinete
Porta-Voz

Komunikadu Imprensa

Sorumutuk Estraordinária Konsellu Ministrus nian iha loron 8 fulan-maiu tinan 2020

Konsellu Ministrus hala'o sorumutuk estraordinária iha Auditóriu Kay Rala Xanana Gusmão, iha Ministériu Finansas, iha Dili no aprova ona projetu kona-ba Dekretu-Lei, ne'ebé Ministru Koordenadór Asuntus Ekonómikus, Fidelis Manuel Leite Magalhães, apresenta tiha ona iha loron-kuarta liubá kona-ba moratória atu kumpre obrigasaun hirak ne'ebé maihusi kontratu kona-ba fó kréditu iha âmbito polítika ekonómika atu hatán ba COVID-19. Dekretu-lei ida-ne'e atu fó resposta ba konstranjimentu no difikuldade hirak ne'ebé mosu tanba reseita no rendimentu tuun, ne'ebé iha relasaun ho ekonomia ne'ebé la'o neineik hela tanba efeitu husi surtu COVID-19 no ho risku husi espirál inkumprimentu nian ida, ne'ebé kria efeitu negativu ba sistema finanseiru no tuirmai ba ekonomia réal. Diploma ne'ebé hetan ona aprovasaun ne'e estabese moratória ida iha kumprimentu ba obrigasaun sira kona-ba kapitál no osan-funan ne'ebé rezulta husi kontratu kréditu nian sira, hodi adia ninia vensimentu iha fulan tolu nia laran. Iha período fulan tolu tuirmai hafoin diploma ne'e tama iha vigór. Iha mós redusaun ida ba 40%, iha obrigasaun kona-ba pagamentu osan funan nian ne'ebé sai nu'udar responsabilidade devedór nian, no restu 60% Estadu maka sei selu.

Konsellu Ministrus aprova ona mós projetu kona-ba Dekretu-Lei, ne'ebé Primeiru-Ministru, Taur Matan Ruak, apresenta kona-ba alterasaun dahuluk ba Dekretu-Lei n. 12/2020, loron 14 fulan-abríl, ne'ebe regulamenta Fundu COVID-19 nian. Ho objetivu atu hatán ba difikuldade sira ne'ebé mak mosu no asegura ho lalais iha tramitasaun prosesu aprovizionamentu nian no iha selebrasaun kontratu públiku sira ne'ebé mak atu hatán ba situasaun urjénte sira, diploma ida ne'e atribui ba Konsellu Ministrus, kompeténsia atu, liuhusi Dekretu Governu nian, tranzitoriamente fó dalan, iha kazu hirak ne'ebé iha justifikasaun forte no tranzitoriamente, órgaun sira husi departamentu



Palácio do Governo,
Avenida Presidente Nicolau Lobato,
Dili, Timor-Leste



PRESIDÊNCIA DO CONSELHO DE MINISTROS

VIII GOVERNO CONSTITUCIONAL



**Gabinete
Porta-Voz**

governamental balu ka pessoa koletiva pública ruma bele pratika atus ne'ebé ninia kompetênsia, iha prinsípiu, tuir loloos inklui iha kuadru husi atribuisaun departamentu governamental seluk ka pessoa koletiva pública seluk nian. Ho aprovasaun Dekretu-Lei ida ne'e nian, atribui mós ba Diretór-Jerál sira, ne'ebé mak sai nu'udar responsavel ba servisu finanseiru husi departamentu governamental oin-oin, kompetênsia atu autoriza realizasaun prosedimentu aprovizionamentu nian ne'ebé destinadu ba adjudikasaun kontratu públiku sira, ne'ebé ninia despeza sei finansia husi Fundu COVID-19 nian, no idane'e sei la aas liu dólar amerikanu millaun ida, no mós atu asina kontratu sira ne'ebé adjudikadu hafoin realizasaun prosedimentu aprovizionamentu nian hirak ne'e.

REMATA



Palácio do Governo,
Avenida Presidente Nicolau Lobato,
Dili, Timor-Leste